

昭帝紀第七

漢書七

漢護軍班固撰

唐議奏行秘書監裴君蘭子顏

師古集註

孝昭皇帝

荀悅曰諱弗之字曰不應劭曰禮蓋法聖聞周達曰昭

武帝少子

也母曰趙婕妤

師古曰婕接幸也仔美稱也故以名宮中媼官婕音接仔音余字或

並從本以有奇異得幸

師古曰謂望氣者言有奇女天子氣及召見手

指拳上自披之即時伸

及生帝亦奇異

文穎曰十月乃生語在外

戚傳武帝末戾太子敗燕王曰廣陵王胥

行驕嫚

師古曰行音下更反

後元二年

劉放曰檢前二後文多元字

二

月上疾病

師古曰疾甚曰病

遂立昭帝為太子年八

歲以侍中奉車都尉霍光為大司馬大將

軍受遺詔輔少主明日武帝崩戊辰太子

即皇帝位謁高廟帝姊鄂邑公主

應劭曰鄂縣名屬江

夏公主所食曰邑師古曰鄂音五各反

益湯沐邑為長公主

師古曰帝之姊

又以供養天子故益邑也

共養省中

伏儼曰蔡邕云本為禁中

門閣有禁非侍御之臣不得妄入行道豹尾中亦為禁中孝元皇后父名禁避之故曰省中師古曰省察也言

昭帝

入此中皆當察視不可妄也共讀曰供音居用反養音弋亮反他皆類此

大將軍光秉

政領尚書事車騎將軍金日磾左將軍上

官桀副焉夏六月赦天下秋七月有星孛

于東方濟北王寬有罪自殺賜長公主及

宗室昆弟各有差追尊趙婕妤為皇太后

起雲陵

文穎曰婕妤先葬於雲陽是以就雲陽為起雲陵

冬匈奴入朔

方殺略吏民發軍屯西河左將軍桀行北

邊

師古曰行音下更反

大日王七

卷之七

卷之七

二

天示

始元元年春二月黃鵠下建章宮太液池

中如淳曰謂之液者言天地和液之氣所為也臣瓚曰時漢用土德服色尚黃鵠色皆白而今更黃以為土

德之瑞故紀之也太液池言承陰陽津液以作池也師古曰如瓚之說皆非也黃鵠大鳥也一舉千里者非白

鵠也太液池者言其津潤所及廣也鵠音胡篤反公卿上壽賜諸侯王

列侯宗室金錢各有差已亥上耕于鈞盾

弄田應劭曰時帝年九歲未能親耕帝籍鈞盾官者近署故往試耕為戲弄也臣瓚曰西京故事弄

田在未央宮中師古曰弄田謂宴游之田天子所戲弄耳非為昭帝年幼創有此名益封燕王

廣陵王及鄂邑公主各萬二千戶夏為太

報帝

后起園廟雲陵益州廉頭姑繒牂柯談指

同並二十四邑皆反蘇林曰皆西南夷別種名也師古曰並音伴。宋祁白

遣水衡都尉呂破胡募吏民及發犍

為蜀郡犍命擊益州大破之應劭曰舊時郡國皆有材官騎士以

赴急難今夷反常兵不足以討之故權選取精勇聞命奔走故謂之奔命李斐曰平居發者二十以上至五十

為甲卒今者五十以上六十以下為奔命奔命言急也師古曰應說是也犍古奔字耳犍音虔又音鉅言反

有司請河內屬冀州河東屬并州文穎曰本屬司州師

秋七月赦天下賜民百戶牛酒

大雨渭橋絕八月齊孝王孫劉澤謀反欲

殺青州刺史雋不疑師古曰雋音材充反又音辭充反發覺

皆伏誅遷不疑為京兆尹賜錢百萬九月

丙子車騎將軍日磾薨閏月遣故廷尉王

平等五人師古曰前為此官今不居者皆謂之故也持節行郡國師古

曰行音下更反舉賢良問民所疾苦寃失職者多無

冰

二年春正月大將軍光左將軍桀皆以前

昭帝

捕斬反虜重合侯馬通功封光為博陸侯

桀為安陽侯以宗室母在位者舉茂材劉

辟彊劉長樂皆為光祿大夫辟彊守長樂

衛尉師古曰長樂宮之衛尉也三月遣使者振貸貧民毋

種食者師古曰貧音吐戴反其下並同秋八月詔曰往年災

害多今年蝗麥傷所振貸種食勿收責毋

令民出今年田租冬發習戰射士詣朔方

調故吏將屯田張掖郡師古曰調謂發選也故吏前為官職者令其部

大二十三八

率習戰射士於張掖為屯田也調音徒鈞反將音子亮反

三年春二月有星孛于西北秋募民徙雲陵賜錢田宅冬十月鳳皇集東海遣使者祠其處十一月壬辰朔日有蝕之

四年春三月甲寅立皇后上官氏文穎曰上官桀孫安

之赦天下辭訟在後二年前皆勿聽治孟

後二年曰武帝夏六月皇后見高廟賜長公主丞

相將軍列侯中二千石以下及郎吏宗室

昭帝

錢帛各有差徙三輔富人雲陵賜錢戶十

萬秋七月詔曰比歲不登民匱於食師古曰匱空也

流庸未盡還師古曰流庸謂去其本鄉而行為人庸作往時令民

共出馬其止勿出諸給中都官者且減之

冬遣大鴻臚田廣明擊益州師古曰中都官京師諸官府

廷尉李种坐故縱死罪棄市師古曰縱謂容放之种音冲

五年春正月追尊皇太后父為順成侯夏

陽男子張延年師古曰夏陽馮翊之縣詣北闕自稱衛

太子誣罔要斬夏罷天下亭母馬及馬弩

關應劭曰武帝數伐匈奴再擊大宛馬死略盡乃令人天

下諸亭養母馬欲令其繁孳又作馬上弩機關令悉

罷之孟康曰舊馬高五尺六寸齒末平弩十石以上皆

不得出關今不禁也師古曰亭母馬應說是馬弩關孟

說是也六月封皇后父驃騎將軍上官安為桑

樂侯師古曰樂音來各反詔曰朕以眇身獲保宗廟師古

曰眇微也戰戰栗栗夙興夜寐脩古帝王之事通

保傳傳孝經論語尚書未云有明文穎曰賈誼作保傳

傳在禮大戴記言能通讀之也晉灼曰帝自謂通保傳

傳未能有所明也臣瓚曰帝自謂雖通舉此四書皆未

昭帝

能有所明此帝之謙也師古曰晉瓚之說皆非也帝自

言雖通保傳傳而孝經論語尚書猶未能明也○劉攽

曰予讀其令三輔太常舉賢良各二人郡國

文學高第各一人賜中二千石以下至吏

民爵各有差罷僭耳真番郡師古曰僭耳本南越地真番木

朝鮮地皆武帝所置也番音晉安反秋大鴻臚廣明軍正王平擊

益州師古曰廣明田廣明斬首捕虜三萬餘人獲畜產

五萬餘頭六年春正月上耕于上林二月詔有司問

郡國所舉賢良文學民所疾苦議罷鹽鐵

權酤應劭曰武帝時以國用不足縣官悉自賣鹽鐵酤酒昭帝務本抑末不與天下爭利故罷之

移中監蘇武蘇林曰移晉移廢名也應劭曰移地如淳曰移爾雅唐棣移也移園之中有馬廄也師古曰蘇音如說是

前使匈奴留單

于庭十九歲廼還奉使全節以武為典屬

國如淳曰以其久在外國知邊事故令典主諸屬國師古曰典屬國本秦官漢因之掌歸義蠻夷屬官

賜錢百萬夏旱大雪不得舉火

秋七月罷權酤官令民得以

昭帝

律占租如淳曰律諸當占租者家長身各以其物占占不以實家長不身自書皆罰金二斤沒入

所不自占物及買錢縣官也師古曰占謂自隱度其實

定其辭也占音章瞻反下又言占名數其義並同今猶

謂獄訟之辨曰占皆其意也蓋武帝時賦斂繁多律外

而取今始復舊。劉攽曰予謂罷權酤官令民得以律

占租賣酒升四錢共是一事爾以律占租者謂令民賣

酒以所得利占而輸其租矣占不以實則論如律也租

即賣酒之稅也賣酒升四錢所以限民不得厚利爾王

子侯表旁况侯般坐貸子錢不占租皆免侯義與此占

租同即如顏說賣酒升四錢無為賣酒升四錢以

所著官既罷權酤矣何處賣酒乎邊塞闊遠取天水隴西張掖郡各二縣置金城郡詔曰鈎町戍毋波服虔曰鈎音左傳射兩鞬之鞬應劭曰町

音若挺西南夷也毋波其名也今率其君長人民

擊反者斬首捕虜有功其立毋波為鉤町

王大鴻臚廣明將率有功賜爵關內侯食

邑

元鳳元年春應劭曰三年中鳳皇比下東長公

主共養勞苦復以藍田益長公主湯沐邑

泗水戴王前薨以毋嗣國除後宮有遺腹

子煖師古曰煖音許遠反相內史不奏言上聞而憐之

昭帝

立煖為泗水王相內史皆下獄三月賜郡

國所選有行義者涿郡韓福等五人帛人

五十匹遣歸詔曰朕聞勞以官職之事鄧

曰閔哀韓福等不忍勞役以官職之事其務修孝悌以教鄉里令

郡縣常以正月賜羊酒有不幸者賜衣被

一襲祠以中牢師古曰幸者吉而免凶也故死謂之不幸一襲一稱也猶今言一副

武都氏人反師古曰氏音丁奚反遣執金吾

馬適建龍額侯韓增師古曰姓馬適名建也龍額漢書本或作維字功臣

虞表云弓高壯侯韓頽當子諂封龍頽侯元鼎五年坐
酎金免後元元年諂弟子增紹封龍頽侯而荀悅漢紀
龍頽皆為雒字崔浩曰頽音洛今河間龍雒村與弓高
相近然此既地名無別指義各依書字而讀之斯則通
矣諂音女交反

擊之蘇林曰是時太常主諸陵縣治民也夏六月赦天下秋七

月乙亥晦日有蝕之既八月改始元為元

鳳九月鄂邑長公主燕王旦與左將軍上

官桀桀子五騎將軍安御史大夫桑弘羊

皆謀反伏誅初桀安父子與大將軍光爭

權欲害之詐使人為燕王旦上書言光罪

時上年十四張晏曰武帝崩時八歲即位於今七歲今年十五師古曰此云初桀安父

子與大將軍爭權詐為燕王上書蓋覺其詐後有

譖光者上輒怒曰大將軍國家忠臣先帝

所屬師古曰屬音之欲反敢有毀者坐之光由是得

盡忠語在燕王霍光傳冬十月詔曰左將

軍安陽侯桀票騎將軍桑樂侯安御史大

夫弘羊皆數以邪枉干輔政師古曰枉曲也以邪曲之事而干求

大九及小五年

也 大將軍不聽而懷怨望與燕王通謀置

驛往來相約結燕王遣壽西長孫縱之等

蘇林曰壽西姓也長名也孫姓縱之名 賂遺長公主丁外人謁者

杜延年大將軍長史公孫遺等交通私書

服虔曰外人主之所幸也晉灼曰漢語字少君師古曰此杜延年自別一人非下諫大夫也 共謀

令長公主置酒伏兵殺大將軍光徵立燕

王為天子大逆毋道故稻田使者燕倉先

發覺 如淳曰特為諸稻田置使者假與民收其稅入也 以告大司農敞

昭帝

師古曰楊敞也 敞告諫大夫延年 師古曰杜延年杜周之子 延年以聞

丞相徵事任官手捕斬桀 文穎曰徵事丞相官屬任差尊掾屬也如

淳曰時宮以時事召待詔丞相府故曰丞相徵事張晏曰漢儀注徵事比六百石皆故吏二千石不以減罪免

者為徵事絳衣奉朝賀正月師古曰張說是也 丞相少史王壽誘將安

入府門 如淳曰漢儀注丞相太尉大將軍史秩四百石武帝又置丞相少史秩四百石 皆

已伏誅吏民得以安封延年倉官壽皆為

列侯又曰燕王迷惑失道前與齊王子劉

澤等為逆抑而不揚望王反道自新 師古曰所為邪

大司農敞

卷六

宗文

僻違失正道欲其施反而歸正故曰反道今廼與長公主及左將軍

桀等謀危宗廟王及公主皆自伏辜其赦

王太子建公主子文信及宗室子與燕王

上官桀等謀反父母同產當坐者皆免為

庶人其吏為桀等所誑誤未發覺在吏者

除其罪師古曰其罪未發未為吏所執持者

二年夏四月上自建章宮徙未央宮大置

酒賜郎從官帛及宗室子錢人二十萬吏

昭帝

民獻牛酒者賜帛人一匹六月赦天下詔

曰朕聞百姓未贍師古曰贍足也前年減漕三百萬

石師古曰減省轉漕所以休力役也頗省乘輿馬及苑馬師古曰乘輿馬

呂補邊郡三輔傳馬張晏曰驛馬也

其令郡國毋斂今年馬口錢文穎曰往時有

三輔太常郡得以叔粟

當賦如淳曰百官表太常主諸陵別治其縣爵秩如

古曰諸應出賦筭租說者皆聽以叔粟當錢物也叔且也

三年春正月泰山有大石自起立上林有

柳樹枯僵自起生師古曰僵偃也謂樹枯死僵罷

中牟苑賦貧民師古曰在滎陽詔曰廼者民被水災

頗匱於食朕虛倉廩師古曰倉新穀所藏也廩穀所振入也使

使者振困乏其止四年毋漕三年以前所

振貸非丞相御史所請邊郡受牛者勿收

責應劭曰武帝始開三邊徙民屯田皆與犂牛後丞

相所請乃令其顧稅耳夏四月少府徐仁廷尉王平左

將軍

馮翊賈勝胡皆坐縱反者仁自殺平勝胡

皆要斬冬遼東烏桓反以中郎將范明友

為度遼將軍應劭曰當度遼水往擊將北邊七

郡二千騎擊之

四年春正月丁亥帝加元服如淳曰元服謂初

曰如氏以為衣服之服此說非也元首也冠者首之所

著故曰元服其下汲黯傳序云上正元服是知謂冠為元服見于高廟賜諸侯王丞相大將軍列侯

宗室下至吏民金帛牛酒各有差賜中二

千石以下及天下民爵母收四年五年口

賦如淳曰漢儀注民年七歲至十四出口賦錢人二

賦十三二十錢以食天子其三錢者武帝加口錢以三年以前逋更賦未入者皆勿收如

補車曰更有三品有卒更有踐更有過更古者正卒無常人

皆當迭為之一月一更是為卒更也貧者欲得顧更錢

者次直者出錢顧之月二千是謂踐更也天下人皆直

戍邊三日亦名為更律所謂繇戍也雖丞相子亦在戍

邊之調不可人人自行三日戍又行者當自戍三日不

可往便還因便住一歲一更諸不行者出錢三百入官

官以給戍者是為過更也律說卒踐更者居也居更縣

中五月乃更也後從尉律卒踐更一月休十一月也食

貨志曰月為更卒已復為正一歲也一歲力役三十

倍於古此漢初因秦法而行之也後遂改易有謫乃戍

招帝

丞相千秋薨師古曰夏四月詔曰度遼將

軍明友前以羌騎校尉將羌王侯君長以

下擊益州反虜劉氏校本云別後復率擊

武都反氏今破烏桓斬虜獲生有功師古曰

虜又獲生口其封明友為平陵侯平樂監傳既斬反

介子持節使師古曰持誅斬樓蘭王安歸首

縣北闕封義鳴侯五月丁丑孝文廟正殿

邊一歲耳逋未出更錢者

也師古曰更音工衡反

田千秋

本羗下無王字

師古曰

既斬反

師古曰持

節而為使

火上及羣臣皆素服發中二千石將五校

作治六日成師古曰率領五校之士以作治也校音下教反太常及廟

令丞郎吏皆劾大不敬會赦太常轅陽侯德

免為庶人文穎曰轅音料德江德也轅陽在魏郡清淵師古曰會六月赦耳史終言之六

月赦天下

五年春正月廣陵王來朝益國萬一千戶

賜錢二千萬黃金二百斤劍二安車一乘

馬二駒師古曰八匹也夏大旱六月發三輔及郡國

昭帝

惡少年吏有告劾亡者屯遼東如淳曰告者為人所告也

効者為人所効也師古曰惡少年謂無賴子弟也告効二者謂被告効而逃也秋罷象郡

分屬鬱林牂柯冬十一月大雷十二月庚

戌丞相訢薨師古曰王訢也訢亦欣字

六年春正月募郡國徒築遼東玄菟城夏

赦天下詔曰夫穀賤傷農師古曰糶多而錢少是為傷也今

三輔太常穀減賤鄭氏曰減音減少之減其令以叔粟

當今年賦應劭曰太常掌諸陵園皆徙天下豪富民以充責之後悉為縣故與三輔同賦右

將軍張安世宿衛中謹封富平侯烏桓復
犯塞遣度遼將軍范明友擊之

元平元年春二月詔曰天下以農桑為本

日者省用罷不急官師古曰謂非要職者減外繇師古曰

日繇讀耕桑者益眾而百姓未能家給師古曰給足也

家家自給足是為家給也朕甚愍焉其減口賦錢有司奏

請減什三上許之甲申農有流星大如月

眾星皆隨西行夏四月癸未帝崩于未央

張帝

宮臣瓚曰帝年九歲即位即位十三年壽二十二師古曰帝年八歲即位明年改元改元之後凡十三

年二北七六月壬申葬平陵臣瓚曰自崩至葬凡四十九日平陵在長安西

北七

贊曰昔周成以孺子繼統而有管蔡四國

流言之變師古曰四國謂管蔡商奄也流放也武王崩成王幼弱周公攝政四國乃流言

曰公將不利於孺子遂致番風之異成王既見金縢之冊乃不疑周公事見幽詩及周書大誥孝昭

幼年即位亦有燕盂上官逆亂之謀成王

不疑周公孝昭委任霍光各因其時以成

大

名大矣哉承孝武奢奢侈餘敝師旅之後海
內虛耗戶口減半師古曰耗損也音火到反減讀為減省之減先知
時務之要輕繇薄賦與民休息師古曰繇讀曰徭至
始元元鳳之間匈奴和親百姓充實舉賢
良文學問民所疾苦議鹽鐵而罷榷酤尊
號曰昭不亦宜乎

昭帝紀第七

右將監本杭本越本及三劉宋祁諸本參校其有異同並附於古注之末正文貳阡肆伯柒拾陸字注文貳阡柒伯伍拾伍字

宣帝紀第八

漢書八

漢 護 軍 班 固 撰

唐議奏行秘書監魏縣閻字顏師古集註

孝宣皇帝

荀悅曰諱詢字次卿詢之字曰謀應劭曰謚法聖善周聞曰宣

武帝

曾孫戾太子孫也

韋昭曰以違戾擅發兵故謚曰戾臣贊曰太子誅江充以除讒

賊而事不見明後武帝覺寤遂族充家宣帝不得以加惡謚也董仲舒書曰有其功無其意謂之戾無其功有其意謂之罪師

古曰贊說是也

太子納史良娣

服虔曰史姓也良娣官也師古

曰太子有妃有良娣有孺子凡三等娣音次第七

生史皇孫

師古曰以外家姓稱之故

曰史皇孫納王夫人生宣帝號曰皇曾孫

生數月遭巫蠱事太子良姊皇孫王夫人

皆遇害語在太子傳曾孫雖在襁褓李奇曰襁絡也

以繒布為之絡負小兒襁小兒大藉也孟康曰襁小兒被也師古曰襁即今之小兒繃也襁孟說是也襁音居

丈反襁音保猶坐收繫郡邸獄如淳曰謂諸郡邸

繃音補耕反治巫蠱於郡邸憐

吉為廷尉監師古曰監者廷尉之官屬

曾孫之亡辜使女徒復作淮陽趙徵卿渭

城胡組更乳養

李奇曰復作者女徒也謂輕罪男

令作於官亦一歲故謂之復作徒也孟康曰復音服謂

弛刑徒也有赦令詔書去其鉗鈇赭衣更紀事不從徒

加與民為例故當復為官作滿其本罪年月日律名為

復作也師古曰孟說是也趙徵卿淮陽人胡組渭城人

皆女徒也二人更遞乳養曾孫而丙吉傳云郭徵卿紀

傳不同未知孰是更音工衛反劉氏校本云注文輒

李本私給衣食視遇甚有恩巫蠱事連歲

不決至後元二年武帝疾往來長楊五柝

宮師古曰長楊五柝二宮並在蓋屋皆以樹名之帝往

來二宮之間也柝字或作柝其音同劉敞曰按武

紀後元二年無赦元年乃有之蓋本云後元二年後人誤

望氣者言長安獄中有天子氣上遣使者

分條中都官獄師古曰中都官凡京師諸官府也繫繫者輕重

皆殺之內謁者令郭穰夜至郡邸獄師古曰百官表

云內者署屬少府續漢書志云掌宮中布張諸襲物丁乎漢官云令秩千石蓋當時權為此使○劉放曰謁字

衍劉敬同吉拒閉使者不得入曾孫賴吉得全

因遭大赦吉廼載曾孫送祖母史良娣家

語在吉及外戚傳後有詔掖庭養視上屬

籍宗正應劭曰掖庭宮人之官有令丞宦者為之時

宣帝

掖庭令張賀嘗事戾太子思顧舊恩師古曰顧念也

哀曾孫奉養甚謹以私錢供給教書既壯

為取暴室嗇夫許廣漢女應劭曰暴室宮人獄也今曰薄室許廣漢

坐法腐為宦者作嗇夫也師古曰暴室者掖庭主織作染練之署故謂之暴室取暴曬為名耳或云薄室者薄

亦暴也今俗語亦云薄曬蓋暴室職務既多因為置獄主治其罪人故往往云暴室獄耳然本非獄名應說失

之矣嗇夫者暴室屬官亦猶縣鄉之嗇夫也曬音所懈反又音所智反曾孫因依倚

廣漢兄弟及祖母家史氏師古曰倚音於綺反受詩於

東海復中翁服虔曰復音馥師古曰東海人姓復字中翁也復音房福反中讀曰仲

子三

三

高材好學然亦喜游俠師古曰喜音許吏反鬪雞走馬

具知閭里姦邪吏治得失數上下諸陵師古曰

曰諸陵皆據高敞地為之縣即在其側帝每周游往來諸陵縣去則上來則下故言上下諸陵周徧

三輔師古曰游行皆至其處常困於蓮勺鹵中如淳曰為人所

困辱也蓮勺縣有鹽池縱廣十餘里其鄉人名為鹵中蓮音輦勺音灼師古曰如說是也鹵者鹹地也今在櫟

陽縣東其鄉人謂此中為鹵鹽池也尤樂杜鄠之間師古曰二縣之

鄠屬扶風鄠音扈率常在下杜孟康曰在長安南師古曰率者總計之言也下杜即

今之杜城時會朝請舍長安尚冠里文穎曰以屬弟尚親故歲

宣帝

時隨宗室朝會也如淳曰春曰朝秋曰請師古曰舍止也尚冠者長安中里名帝會朝請之時即於此里中止

息請音才姓反身足下有毛卧居數有光耀師古曰遍身及足下

皆有毛每買餅所從買家輒大讎師古曰讎讀曰售亦

以是自怪元平元年四月昭帝崩毋嗣大

將軍霍光請皇后徵昌邑王六月丙寅王

受皇帝璽綬尊皇后曰皇太后癸巳光奏

王賀淫亂請廢語在賀及光傳秋七月光

奏議曰禮人道親親故尊祖尊祖故敬宗

太宗母嗣擇支子孫賢者為嗣孝武皇帝

曾孫病已師古曰蓋以夙遭屯難而多病苦故名病已欲其速差也後以為鄙更改諱詢

有詔掖庭養視至今年十八師受詩論語

孝經操行節儉慈仁愛人可以嗣孝昭皇

帝後奉承祖宗子萬姓師古曰天子以萬姓為子故云子萬姓奏

可遣宗正德至曾孫尚冠里令洗沐賜御

府衣太僕以軫獵車奉迎曾孫文穎曰軫獵小車前有曲

輿不衣也近世謂之軫獵車也孟康曰今之載獵車也前有曲軫特高大獵時立其中格射禽獸李奇曰蘭輿

宣帝

輕車也師古曰文李二說皆是時未備天子車駕故且取其輕便耳非藉高大也孟說失之軫音鈴就

齊宗正府庚申入未央宮見皇太后封為

陽武侯師古曰先封侯者不欲立庶人為天子也已而羣臣奏上璽

綬即皇帝位謁高廟八月己巳丞相敞薨

師古曰揚敞也九月大赦天下十一月壬子立皇后

許氏賜諸侯王以下金錢至吏民鰥寡孤

獨各有差皇太后歸長樂宮長樂宮初置

屯衛

本始元年春正月募郡國吏民訾百萬以

上徙平陵文穎曰昭帝陵遣使者持節詔郡國二千

石謹牧養民而風德化師古曰以德化被于下故云風也詩序曰上以

風化大將軍光稽首歸政上謙讓委任焉

論定策功益封大將軍光萬七千戶車騎

將軍光祿勳富平侯安世萬戶李斐曰居光祿位以車騎

官號尊之無車騎官屬詔曰故丞相安平侯敞等居位

守職與大將軍光車騎將軍安世建議定

宣帝

策以安宗廟功賞未加而薨其益封敞嗣子

忠及丞相陽平侯義師古曰蔡義度遼將軍平陵侯

明友師古曰范明友前將軍龍錮侯增師古曰韓增太僕建平

侯延年師古曰杜延年太常蒲侯昌師古曰蘇昌諫大夫宜

春侯譚師古曰王譚當塗侯平師古曰不害以捕反者胡倩

功封當塗侯其子聖以定策功益封凡二千二百戶今此紀言當塗侯平與表垂錯未知孰是或者有二名乎

杜侯屠耆堂蘇林曰姓復陸其祖父復陸支本匈奴胡也歸義為屬國王從驃騎有功

乃更封也長信少府關內侯勝師古曰夏侯勝邑戶各有

差封御史大夫廣明為昌水侯師古曰後田廣明

將軍充國為營平侯師古曰趙充國大司農延年

為陽城侯師古曰田延年少府樂成為爰氏侯師古曰

曰史樂成光祿大夫遷為平丘侯師古曰王遷賜右

扶風德師古曰周德典屬國武師古曰蘇武延尉光師古曰

曰李光宗正德師古曰曾孫劉辟疆子大鴻臚賢師古曰

曰韋賢詹事疇蘇林曰疇音疇隻之疇師古曰宋疇也音居宜反光祿大

夫吉師古曰邴吉京輔都尉廣漢師古曰趙廣漢也三輔郡皆有都尉

宣帝

如諸郡左輔都尉治高陵右輔都尉治郡京輔都尉治華陰權北爵皆關內侯德

武食邑張晏曰舊關內侯無邑也以蘇武守節外國劉德宗室俊彥故特令食邑夏四

月庚午地震詔內郡國舉文學高第各一

人韋昭曰中國為內郡緣邊有夷狄障塞者為外郡成帝時內郡舉方正北邊二十二郡舉勇猛士五

月鳳凰集膠東千乘赦天下賜吏二千石

諸侯相下至中都官官吏六百石爵各有

差如淳曰中都官官吏奄人為吏者也晉灼曰凡職在京師者也師古曰二說皆非也中都官謂在京師諸

官也官吏諸奄官也自左更至五大夫師古曰左更第十二爵也五大夫第九爵

也更音工衡反。劉敞曰：案此賜爵不及中。二千石者緣王即位九卿率已與關內侯矣。賜天下

人爵各一級孝者二級女子百戶牛酒租

統勿收六月詔曰故皇太子在湖未有號

謚師古曰湖縣名也死於湖因即葬焉歲時祠其議謚置園邑語

在太子傳秋七月詔立燕刺王太子建為

廣陽王師古曰刺音來曷反立廣陵王胥少子弘為高

密王

二年春以水衡錢為平陵徙民起第宅應劭

宣帝

曰水衡與少府皆天子私藏耳縣官公作當仰給司農今出水衡錢言宣帝即位為異政也晉灼曰食貨志初大司農管鹽鐵官布多故置水衡欲以主鹽鐵及揚可告緡上林財物眾乃令水衡主上林上林三官主鑄錢也

大司農陽城侯田延年有罪自殺師古曰坐增獄

直而自入夏五月詔曰朕以眇身奉承祖宗夙

夜惟念孝武皇帝躬履仁義選明將討不

服匈奴遠遁平氏羗昆明南越百蠻鄉風

款塞來享應劭曰款叩也皆叩塞門來服從也如淳曰款寬也請除守塞

建師古曰鄉讀曰嚮也是也此汎說夷狄來賓之事非呼韓邪保塞意也

太學修郊祀定正朔協音律封泰山塞宣

房蘇林曰隄名在東郡界李斐曰決河上宮名也張晏曰瓠子隄名師古曰蘇張二說皆是符瑞

應寶鼎出白麟獲功德茂盛不能盡宣而

廟樂未稱師古曰稱副也其議奏有司奏請宜加尊

號六月庚午尊孝武廟為世宗廟奏盛德文

始五行之舞應劭曰宣帝復采昭德之舞為盛德舞以尊世宗廟也諸帝廟比皆常奏文

天子世世獻武帝巡狩所幸之郡

國皆立廟賜民爵一級女子百戶牛酒匈

宣帝

奴數侵邊又西伐烏孫昆彌及公主

因國使者上書師古曰昆彌烏孫王之號也國使者漢朝之使也言昆

彌願發國精兵擊匈奴唯天子哀憐出兵

以救公主秋大發興調關東輕車銳卒師古

曰調亦選也銳利也言其勇利也調音徒鈞反選郡國吏三百石伉健

習騎射者皆從軍師古曰伉疆也音口浪反御史大夫田

廣明為祁連將軍應劭曰祁連匈奴中山名也諸將分部廣明值此山因以為號

後將軍趙充國為蒲類將軍應劭

也師古曰祁音上夷反

曰蒲類匈奴中海名也在敦煌北晉灼
曰匈奴傳有蒲類澤師古曰晉說是也
雲中太守

田順為虎牙將軍及度遼將軍范明友前

將軍韓增凡五將軍兵十五萬騎校尉常

惠持節護烏孫兵咸擊匈奴

三年春正月癸亥皇后許氏崩戊辰五將

軍師發長安夏五月軍罷祁連將軍廣明

虎牙將軍順有罪下有司皆自殺晉灼曰田

校尉常惠將烏孫兵入匈奴古

宣帝

地大克獲封列侯大旱郡國傷旱甚者民

毋出租稅三輔民就賤者且毋收事盡四

年晉灼曰不給官役也師古曰收謂租六月己丑

丞相義薨師古曰蔡義

四年春正月詔曰蓋聞農者興德之本也

今歲不登已遣使者振貸困乏其令大官

損膳省宰師古曰膳具食也食之善者也宰為屠殺

樂府減樂人使歸就農業丞相以下

大司馬

大司馬

大司馬

丙文

至都官令丞

師古曰都官令丞京師諸署之令丞

上書入穀輸

長安倉助貸貧民民以車船載穀入關者

得毋用傳

師古曰傳傳符也欲穀之多故不問其出入也傳音張戀反

三月

乙卯立皇后霍氏賜丞相以下至郎吏從

官金錢帛各有差赦天下夏四月壬寅郡

國四十九地震或山崩水出詔曰蓋災異

者天地之戒也朕承洪業奉宗廟託于士

民之上未能和羣生廼者地震北海琅邪

皇帝

壞祖宗廟朕甚懼焉丞相御史其與列侯

中二千石博問經學之士有以應變

師古曰謂禦塞

災異也輔朕之不逮毋有所諱令三輔太常

內郡國舉賢良方正各一人律令有可蠲

除以安百姓條奏被地震壞敗甚者勿收

租賦大赦天下上以宗廟墮素服避正殿

五日

師古曰墮者毀也音火規反

五月鳳皇集北海安丘

淳于

師古曰二縣皆屬北海郡

秋廣川王吉有罪廢遷上

庸自殺。宋祁曰吉一作去字

地節元年。應劭曰以先者地震山崩水出於是改年曰地節欲令地得其節春

正月有星孛于西方三月假郡國貧民田

師古曰權以給之不常與夏六月詔曰蓋聞堯親九族以

和萬國。師古曰尚書堯典云克明俊德以親九族九族既睦平章百姓百姓昭明協和萬邦故詔引之

朕蒙遺德奉承聖業惟念宗室屬耒盡而

以罪絕若有賢材改行勸善其復屬使得

自新。師古曰復音扶目反冬十一月楚王延壽謀反自

宣帝

殺十二月癸亥晦日有蝕之

二年春三月庚午大司馬大將軍光薨詔

曰大司馬大將軍博陸侯。師古曰尊之故不名宿衛孝

武皇帝三十餘年輔孝昭皇帝十有餘年

遭大難躬秉義率三公諸侯九卿大夫定

萬世策以安宗廟天下蒸庶咸以康寧。師古

曰蒸庶衆人也康安也功德茂盛朕甚嘉之復其後世

疇其爵邑。張晏曰律非始封十減二疇者等也言不復減也師古曰復音方目反世

世母有所與

師古曰與讀曰豫

功如蕭肅相國夏四月

鳳皇集魯郡羣鳥從之

師古曰今流俗書本此下云戊申立皇太子而

後年又有立皇太子事此蓋以元紀云元帝二歲宣帝即位八歲為皇太子故後人妄於此書加之舊本無也據疏廣及丙吉傳並云地節三年立皇太子此即明驗而或者妄為臆說乖於實矣大赦天下

五月光祿大夫平丘侯王遷有罪下獄死

上始親政事又思報大將軍功德廼復使

樂平侯山領尚書事

師古曰霍山光之兄孫也

而令羣臣

得奏封事以知下情五日一聽事自丞相

宣帝

以下各奉職奏事以傳奏其言

應劭曰敷陳也各自奏陳

其言然後試之以官考其功德也師古曰傳讀曰敷

考試功能侍中尚書

功勞當遷及有異善厚加賞賜至于子孫

終不改易

師古曰言各久其職事也。劉放曰至于子孫謂賞賜逮及子孫也非謂侍中尚書

官至子孫不改易也樞機周密品式備具上下相安莫

有苟且之意也

三年春三月詔曰蓋聞有功不賞有罪不

誅雖唐虞猶不能以化天下今膠東相成

勞來不怠

師古曰王成也勞來者言慰勉而招延之也小雅鴻雁之詩序曰勞來還定安集之

勞音盧到反來音盧代反

流民自占八萬餘口

師古曰占者謂自隱度其戶口

而著名籍也占音之贍反

治有異等

師古曰政治異於常等也

其秩成中

二千石賜爵關內侯又曰鰥寡孤獨高年

貧困之民朕所憐也前下詔假公田貸種

食

師古曰貸音吐戴反

其加賜鰥寡孤獨高年帛二千

石嚴教吏謹視遇毋令失職

師古曰職常也失職謂失其常業也

令內郡國舉賢良方正可親民者夏四月

宣帝

戊申立皇太子大赦天下賜御史大夫爵

關內侯中二千石爵右庶長

張晏曰自公孫弘後丞相常封列侯

第二十等爵故賜御史大夫爵關內侯第十九等爵也右庶長第十一等爵也師古曰張說非也此以立皇太

子國之大慶故特賜御史大夫及中二千石爵耳非常制也

天下當為父後者

爵一級賜廣陵王黃金千斤諸侯王十五

人黃金各百斤列侯在國者八十七人黃

金各二十斤冬十月詔曰廼者九月壬申

地震朕甚懼焉有能箴朕過失

師古曰箴戒也

及

賢良方正直言極諫之士以匡朕之不逮

師古曰曰諱避也雖有司在朕既

不德不能附遠是以邊境屯戍未息今復

飭兵重屯久勞百姓師古曰飭讀與勅同飭整也非所以

綏天下也其罷車騎將軍右將軍屯兵又

詔池籞未御幸者假與貧民蘇林曰折竹以繩縣連禁禦使人不得往來律名為籞服虔曰籞在池水中作室可用

樓鳥鳥入中則捕之應劭曰他者陂池也籞者禁苑也

臣瓚曰籞者所以養鳥也設為藩落周覆其上令鳥不得出猶苑之畜獸池之畜魚也師古曰蘇應二說是

宣帝

郡國宮館勿復修治流民還歸者假公田

貸種食師古曰貸音吐戴反種五穀種也音之勇反且勿筭事師古曰不出筭

賦及給十一月詔曰朕既不逮導民不明師古曰

曰不逮者意慮不及也反側晨興念慮萬方不忘元元

唯恐羞先帝聖德師古曰羞謂忝辱也故竝舉賢良方

正以親萬姓歷載臻茲然而俗化闕焉師古曰

曰多歷年載迄至于今傳曰孝弟也者其為仁之本與

師古曰論語載有若之言與讀曰予其令郡國舉孝弟有行義

聞於鄉里者各一人十二月初置廷尉平
四人秩六百石省文山郡并蜀師古曰以其縣道隸蜀郡
四年春二月封外祖母為博平君故鄼侯
蕭何曾孫建世為侯詔曰導民以孝則天
下順今百姓或遭衰經凶災師古曰衰音千回反而吏
繇事使不得葬師古曰繇讀曰徭事謂役使之傷孝子之心
朕甚憐之自今諸有大父母父母喪者勿
繇事使得收斂送終盡其子道夏五月詔

宣帝

曰父子之親夫婦之道天性也雖有患禍
猶蒙死而存之師古曰曰誠愛結於心仁厚之
至也豈能違之哉自今子首匿父母妻匿
夫孫匿大父母皆勿坐師古曰凡首匿者言其為謀首而藏匿罪人其
父母匿子夫匿妻大父母匿孫罪殊死皆
上請廷尉臣聞立廣川惠王孫文為廣川
王秋七月大司馬霍禹謀反詔曰廼者東
織室令史張赦應劭曰舊時有東西織室織作文繡郊廟之服今史其主者吏使

魏郡豪李竟

文穎曰有權勢豪右大家

報冠陽侯霍雲謀

為大逆

如淳曰報白也師古曰此說非也謂張赦因李竟傳言於霍雲與共謀反耳非告白其罪

也赦既為織室令史身在京師不須令李竟發之據霍禹傳其事明矣

朕以大將軍

故抑而不揚異其自新今大司馬博陸侯

禹與母宣成侯夫人顯及從昆弟冠陽侯

雲樂平侯山

師古曰據霍光傳雲山皆去病之孫則於禹為子行也今此紀言從昆弟

蓋轉寫者脫子字耳當言從昆弟子也

諸姊妹壻度遼將軍范明

友長信少府鄧廣漢中郎將任勝騎都尉

宣帝

趙平長安男子馮殷等

晉灼曰漢語字子都

謀為大逆

顯前又使女侍醫淳于衍進藥殺共哀后

師古曰殺讀曰弑共讀曰恭

謀毒太子欲危宗廟逆亂不

道咸伏其辜諸為霍氏所誑誤未發覺在

吏者皆赦除之八月己酉皇后霍氏廢九

月詔曰朕惟百姓失職不贍遣使者循行

郡國問民所疾苦

師古曰行音下更反

吏或營私煩擾

不顧厥咎朕甚閔之今年郡國頗被水災

已振貸師古曰貸音吐戴反鹽民之食而賈咸貴師古曰賈讀曰

價其下亦同衆庶重困師古曰更增其困也重音直用反其減天下

鹽賈又曰令甲死者不可生文穎曰蕭何承秦法所作爲律

令律經是也天子詔所增損不在律上者爲令令甲者前帝第一令也如淳曰令有先後故有令甲令乙令丙

師古曰如說是也甲乙者若今之第一第二篇耳刑者不可息李斐曰息減也若黥

削者雖欲改過其創瘢不可復滅也師古曰息謂生長也言削刑贖割之徒不可更生長亦猶謂子爲息耳李說非也

此先帝之所重而吏未稱師古曰稱稱副也今繫

者或以掠辜若飢寒瘦死獄中蘇林曰瘦病也囚徒病律

官帝

名爲瘦如淳曰律囚以飢寒而死曰瘦師古曰瘦病是也此言囚或以掠笞及飢寒及疾病而死如說非矣瘦音瘦字或作瘠其音亦同

何用心逆人道也朕甚痛之其

令郡國歲上繫囚以掠笞若瘦死者所坐

名縣爵里師古曰名其人各也縣所屬縣也爵其身之官爵也里所居邑里也丞相

御史課殿最以聞師古曰凡言殿最者殿後也課居後也最凡要之首也課居先

也殿音丁見反十二月清河王年有罪廢遷房陵

元康元年春以杜東原上爲初陵更名杜

縣爲杜陵徙丞相將軍列侯吏二千石皆

大凡五

宗

百萬者杜陵三月詔曰廼者鳳皇集泰山

陳留甘露降未央宮朕未能章先帝休烈

師古曰章明也協寧百姓承天順地調序四

時獲蒙嘉瑞賜茲祉福夙夜兢兢靡有驕

色內省匪解永惟罔極師古曰省視也永長也

帝言內自省視察不敢怠惰長書不云虞鳳皇來

儀庶尹允諧師古曰虞書益稷之篇曰簫韶九成

允諧謂言奏樂之和鳳皇以其容儀來下百獸相其赦

宣帝

天下徒賜勤事吏中二千石臣下至六百

石爵自中郎吏至五大夫師古曰賜中郎吏爵

上海為等級而高賜也五大夫第九爵也一曰二千石

至五大夫自此以下而差降。劉攽曰爵自中郎吏文

誤蓋本云自中更至五大夫傳者誤以更為吏遂衍出

郎字與民爵不遇公乘則賜吏爵自五大夫而上也

中二千石爵中更二千石亦當左更真比同千石當右

庶長八百一石當左庶長六百石則五大夫矣尋本始元

年詔文則佐史以上二級民一級女子百戶

牛酒加賜鰥寡孤獨三老孝弟力田帛所

振貸勿收夏五月立皇考廟益奉明園戶

為奉明縣

師古曰奉明園即皇考史皇孫之所葬也本名廣明後追改也

復高

皇帝功臣絳侯周勃等百三十六人家子

孫令奉祭祀

師古曰復音方目反次下亦同

世世勿絕其母

嗣者復其次秋八月詔曰朕不明六藝鬱

于大道

孟康曰鬱不通也

是以陰陽風雨未時其博

舉吏民厥身修正通文學明於先王之術

宣究其意者各二人

師古曰究盡也

中二千石各一

人

劉敞曰此詔是下丞相御史者故云各二人下云中二千石各一人於文似少潤飾

冬置

宣帝

建章衛尉

二年春正月詔曰書云文王作罰刑茲無

赦

師古曰周書康誥之辭也言文王作法罰其有亂常違教者則刑之無故釋也

今吏修

身奉法未有能稱朕意朕甚愍焉其赦天

下與士大夫厲精更始

李斐曰今吏已修身奉法矣但不能稱上意耳

故赦之師古曰言文王作罰有犯之者皆刑無赦今我

更始耳李說非也。劉敞曰言吏脩身奉法未有能稱

朕意故須赦也何則身不脩則不能率下法不奉則或

也。劉敞曰此詔正謂吏未能脩身奉法有稱上意者

故特赦之與更始申儆之也顏李以意疑宣帝不當二謂吏皆未脩身奉法乃斷其辭曲為釋解失之遠矣

月乙丑立皇后王氏師古曰王奉光女賜丞相以下

至郎從官錢帛各有差三月以鳳皇甘露

降集賜天下吏爵二級民一級女子百戶

牛酒鰥寡孤獨高年帛夏五月詔曰獄者

萬民之命所以禁暴止邪養育羣生也能

使生者不怨死者不恨則可謂文吏矣今

則不然用法或持巧心析律貳端深淺不

宣帝

平師古曰析分也謂分破律條妄生端緒以出入人罪增辭飾非以成其

罪奏不如實上亦亡繇知師古曰上者天子自謂也繇讀與由同

此朕之不明吏之不稱四方黎民將何仰

哉二千石各察官屬勿用此人吏務平法

或擅興繇役飾厨傳稱過使客韋昭曰厨謂飲食傳謂傳

舍言修飾意氣以稱過使而已師古曰使人及賓客來者稱其意而遣之令過去也稱音尺孕反過者過度之

也越職踰法臣取名譽譬猶踐薄冰以待

白日豈不殆哉師古曰殆危也今天下頗被疾疫

之灾朕甚愍之其令郡國被灾甚者毋出今年租賦又曰聞古天子之名難知而易諱也今百姓多上書觸諱以犯罪者朕甚憐之其更諱詢諸觸諱在令前者赦之古師

曰今謂今詔書冬京兆尹趙廣漢有罪要斬

三年春以神爵數集泰山賜諸侯王丞相將軍列侯二千石金郎從官帛各有差賜天下吏爵二級民一級女子百戶牛酒鰥

宣帝

寡孤獨高年帛三月詔曰蓋聞象有罪舜

封之應劭曰象者舜弟也日以殺舜為事舜為天子猶封之於有鼻之國骨肉之親

粲而不殊師古曰粲明也殊絕也當明於仁恩不離絕也其封故昌邑

王賀為海昏侯又曰朕微眇時御史大夫

丙吉中郎將史曾史玄長樂衛尉許舜侍

中光祿大夫許延壽皆與朕有舊恩及故

掖庭令張賀輔導朕躬修文學經術恩惠

卓異厥功茂焉詩不云虜無德不報師古曰大雅抑

大雅抑

列李發

之詩也言受人之德必有報也封賀其所子弟子侍中中郎將

彭祖為陽都侯如淳曰賀張安世兄有一子早死故以彭祖為子師古曰所子者言

養弟子以為子追賜賀謚曰陽都哀侯吉曾玄舜延

壽皆為列侯故人下至郡邸獄復作師古曰謂胡組

趙徵卿之輩也復音扶目反嘗有阿保之功臣瓚曰阿倚保養也皆受

官祿田宅財物各以恩深淺報之夏六月

詔曰前年夏神爵集雍晉灼曰漢注大如鸚鵡黃喉白頸黑背腹班文

也師古曰鸚音晏今春五色鳥以萬數飛過屬縣師古

皇帝

曰三輔諸縣也翱翔而舞欲集未下其令三輔毋得

以春夏摘巢探卵彈射飛鳥師古曰摘音佗秋反射音食亦

反。宋祁曰南本飛鳥下有畢年二字具為令立皇子欽為淮陽

王

四年春正月詔曰朕惟耆老之人髮齒墮

落血氣衰微亦亡暴虐之心今或羅文法

拘執囹圄不終天命朕甚憐之自今已來

劉氏校本云已當作以諸年八十以上非誣告殺傷人

佗皆勿坐

師古曰誣告人及殺傷人皆如舊法其餘則不論

遣太中大

夫彊等十二人循行天下

師古曰行音下更反

存問鰥

寡覽觀風俗察吏治得失舉茂材異倫之士

二月河東霍徵史等謀反誅三月詔曰廼

者神爵五采以萬數集長樂未央北宮高

寢甘泉泰畤殿中及上林苑朕之不逮寡

于德厚屢獲嘉祥非朕之任其賜天下吏

爵二級民一級女子百戶牛酒加賜三老

言

孝第力田帛人二匹鰥寡孤獨各一匹秋

八月賜故右扶風尹翁歸子黃金百斤以

奉其祭祀又賜功臣適後

後古曰適讀曰嫡承嗣者也或子或孫不

拘後裔故總言後也

黃金人二十斤丙寅大司馬衛將

軍安世薨比年豐穀石五錢

師古曰比類也

神爵元年

應劭曰前年神爵集于長樂宮故改年

春正月行幸甘

泉郊泰畤三月行幸河東祠后土詔曰朕

承宗廟戰戰栗栗惟萬事統未燭厥理

師古

大司馬

易已

卷八

七十四

中

曰惟思也統緒也燭照也 廼元康四年嘉穀玄稷降于郡

國服虔曰玄稷黑粟也 神爵仍集師古曰仍頻也 金芝之九莖產

于函德殿銅池中服虔曰金芝色像金也如淳曰函亦含也銅池承雷也晉灼曰

以銅作池也師古曰函德殿名也銅池承雷是也以銅為之函讀與含同 九真獻奇獸

蘇林曰白象也晉灼曰漢注駒形鱗色牛角仁而愛人師古曰非白象也晉說是矣 南郡獲白

虎威鳳為寶服虔曰威鳳鳥名也晉灼曰鳳之有威儀者也與尚書鳳皇來儀同意師

古曰晉 朕之不明震于珍物服虔曰震驚也蘇林

也師古曰蘇說是也 飭躬齋精祈為百姓師古曰獲珍物而心感動也

宣帝

同為音于為反 東濟大河天氣清靜神魚舞河幸萬

歲宮神爵翔集服虔曰萬歲宮在東郡平陽縣今有津晉灼曰黃圖汾陰有萬歲宮

是時幸河東師 朕之不德懼不能任其以五

年為神爵元年賜天下勤事吏爵二級民

一級女子百戶牛酒鰥寡孤獨高年帛所

振貸物勿收行所過毋出田租西羌反發

三輔中都官徒弛刑李奇曰弛廢也謂若今徒解鉗鈇赭衣置任輸作也師古

曰中都官京師諸官府也漢儀注長安中諸官獄三十六所弛刑李說是也若今徒囚但不枷鎖而責保散役

大及令

書

卷

月

之耳弛音 及應募伏飛射士 服虔曰周時度江越

式爾反 之伏飛入水殺之漢因以材力名官如淳曰呂氏春秋

荆有茲非得寶劍於干將度江中流兩蛟繞舟茲非技

寶劍赴江刺兩蛟殺之荆王聞之仕以執圭後世以為

勇力之官茲伏音相近臣瓚曰本秦左弋官也武帝改

曰伏飛官有一令九丞在上林苑中結繒繳弋鳧鴈歲

萬頭以供祀宗廟許慎曰伏便利也便利繒繳以弋鳧

鴈故曰伏飛詩曰挾拾既伏者也師古曰取古勇力人

以名官熊渠之類是也亦因取其便利輕疾若飛故號

伏飛弋鳧鴈事自使伏飛為之非 **羽林孤兒** 應劭曰

取飛鳥為名瓚說失之伏音次 **羽林孤兒** 天有羽

林大將軍之星林諭若林木之盛羽羽異驚擊之意故

以名武官焉如淳曰百官表取從軍死事者之子養羽

林官教以五兵號曰羽林孤兒少壯 **胡越騎三河**

令從軍漢儀注羽林從官七百人

宣帝

穎川沛郡淮陽汝南材官金城隴西天水

安定北地上郡騎士羌騎詣金城夏四月

遣後將軍趙充國彊弩將軍許延壽擊西

羌六月有星孛于東方即拜酒泉太守辛

武賢為破羌將軍 師古曰即就也就酒 與兩將

軍並進 師古曰兩將軍即 詔曰軍旅暴露轉

輸煩勞其令諸侯王列侯蠻夷王侯君長

當朝二年者皆毋朝 師古曰朝來 秋賜故大

師古曰正月

趙充國許延壽

師古曰朝來

師古曰正月

司農朱邑子黃金百斤以奉祭祀後將軍
充國言屯田之計語在充國傳

二年春二月詔曰廼者正月乙丑鳳皇甘

露降集京師羣鳥從以萬數朕之不德屢

獲天福祗事不怠其赦天下夏五月羌虜

降服斬其首惡大豪楊玉酋非首文穎曰羌胡名大帥

為酋如中國言魁非首其名也如淳曰酋音酒醕孰師古曰文說失矣酋者自是魁帥之稱而此酋不當其義也蓋首惡者唱首為惡也大豪者魁帥也楊王及酋非皆人名言斬此二人之首級耳既已言大豪不當重言

宣帝

酋且趙充國傳又云酋非楊玉首此其明驗也酋音才由反○宋祁曰予按醕非字當為酋音酒孰鄭注月令

酒孰曰酋置金城屬國以處降羌秋匈奴日逐

王先賢揮鄭氏曰揮音纏束之纏音灼曰音田師古曰鄭音是也將人眾萬

餘來降使都護西域騎都尉鄭吉迎日逐

破車師皆封列侯九月司隸校尉蓋寬饒

有罪下有司自殺匈奴單于遣名王奉獻

賀正月始和親師古曰賀來大名以別諸小王也

三年春起樂游苑師古曰三輔黃圖云在杜陵西北又關中記云宣帝立廟於曲

大司馬 卷之八 書 三十一

池之比號樂游案其處則今之所呼樂游廟者是也其餘基尚可識焉蓋本為苑後因立廟乎樂音來各反

三月丙午丞相相薨師古曰魏相秋八月詔曰

吏不廉平則治道衰今小吏皆勤事而奉

祿薄師古曰奉音扶用反其下亦同欲其母侵漁百姓難矣

如淳曰漁奪也謂奪其利便也晉灼曰許慎云捕魚之字也師古曰漁者若言漁獵也晉說是也其

益吏百石臣下奉十五如淳曰律百石奉月六百韋昭曰若食一斛則

益五斗○宋祁曰刊誤據後漢志及師古百官表注當云律百石奉月十六斛

四年春二月詔曰廼者鳳皇甘露降集京

皇帝

師嘉瑞竝見修興泰一五帝后土之祠祈

為百姓蒙祉福師古曰為音于偽反鸞鳳萬舉蜚覽翺

翔集止于旁師古曰萬舉猶言舉以萬數也蜚古飛字也言鸞鳳飛翔覽觀都邑也齋

戒之暮神光顯著薦鬯之夕神光交錯師古

曰鬯香酒所以祭神或降于天或登于地或從四方來

集于壇上帝嘉嚮海內承福師古曰嚮讀曰饗其赦

天下賜民爵一級女子百戶牛酒鰥寡孤

獨高年帛夏四月潁川太守黃霸以治行

尤異秩中二千石

如淳曰太守雖號二千石有千石八百石居者有功德茂異乃

得滿秩霸得中二千石九卿秩也晉灼曰此直謂二千石增秩為中二千石耳不謂滿不滿也師古曰如說非

也霸舊已二千石矣今增為中二千石以寵異之此與地節三年增膠東相王成秩其事同耳漢制秩二千石

者一歲得一千四百四十石實不滿二千石也其云中二千石者一歲得二千一百六十石舉成數言之故曰

中二千石賜爵關內侯黃金百斤及潁川吏

民有行義者爵人二級力田一級貞婦順

女帛令內郡國舉賢良可親民者各一人

五月匈奴單于遣弟呼留若王勝之來朝

宣帝

師古曰呼留若者王之號也勝之其人名

冬十月鳳皇十一集杜陵

十一月河南太守嚴延年有罪棄市十二

月鳳皇集上林

五鳳元年

應劭曰先者鳳皇五至因以改元云

春正月行幸甘泉

郊泰畤皇太子冠皇太后賜丞相將軍列

侯中二千石帛人百匹大夫夫人八十四匹

宋

夫人六十四匹

宋祁曰一本作夫丁八十四匹

又賜列

侯嗣子爵五大夫男子為父後者爵一級

夏赦徒作杜陵者冬十二月乙酉朔日有
蝕之左馮翊韓延壽有罪棄帝

二年春三月行幸雍祠五時夏四月己丑

大司馬車騎將軍增薨師古曰韓增秋八月詔

曰夫婚姻之禮人倫之大者也酒食之會

所以行禮樂也○劉放曰多樂字○陽夏公曰古語多此類非衍字也今

郡國二千石或擅為苛禁禁民嫁娶不得

具酒食相賀召由是廢鄉黨之禮令民亡

皇帝

所樂非所以導民也詩不云乎民之失德

乾餼以愆師古曰小雅伐木之詩也餼食也愆過也言人無恩德不相飲食則闕乾餼之事為

過惡也乾音千餼音侯勿行苛政冬十一月匈奴呼遼

累單于帥眾來降師古曰遼古速字累音力追反封為列侯

十二月平通侯楊惲師古曰惲音於吻反坐前為光

祿勳有罪免為庶人不悔過怨望大逆不

道要斬

三年春正月癸卯丞相吉薨師古曰丙吉也三月行

大...

幸河東祠后土詔曰往者匈奴數為邊寇
百姓被其害朕承至尊未能綏安匈奴虛
間權渠單于請求和親病死右賢王屠耆
堂代立骨肉大臣立虛間權渠單于子為
呼韓邪單于擊殺屠耆堂諸王拉自立分
為五單于更相攻擊師古曰更音工衡反死者以萬
數畜產大耗什八九師古曰耗損也言十損其八九也耗音呼到反人
民飢餓相燔燒以求食師古曰燔焚也音扶元反因大乖

宣帝

亂單于闕氏

服虔曰闕氏音焉支

子孫昆弟及呼遼累

單于名王右伊秩訾且渠當戶以下

師古曰伊秩訾

且渠當戶皆匈奴官號也訾音子移反且音子余反

將眾五萬餘人來降

歸義單于稱臣使弟奉珍朝賀正月北邊

晏然靡有兵革之事朕飭躬齋戒

師古曰飭與敕同

郊上帝祠后土神光並見或興于谷燭耀

齋宮十有餘刻

師古曰燭亦照也刻者以漏言時也

甘露降神

爵集已詔有司告祠上帝宗廟三月辛丑

鸞鳳又集長樂宮東闕中樹上

張晏曰門外闕內衡馬之

裏樹也

飛下止地文章五色留十餘刻吏民

竝觀朕之不敬懼不能任婁蒙嘉瑞獲茲

祉福

師古曰婁古屢字

書不云虘雖休勿休祗事

不怠

師古曰周書呂刑之辭言雖見褒美勿自以為有德美當敬於事無怠墮也

公卿

大夫其勛焉

師古曰勛勉也

減天下口錢赦殊死

以下賜民爵一級女子百戶牛酒大酺五

日加賜鰥寡孤獨高年帛置西河北地屬

宣帝

國以處匈奴降者

四年春正月廣陵王胥有罪自殺匈奴單

于稱臣遣弟谷蠡王入侍

服虔曰谷音鹿韋昭曰蠡音如麗反師古

曰谷服音是也蠡音落奚反。劉氏校本注文監本越本麗下無反字

以邊塞亡寇

減戍卒什二大司農中丞耿壽昌奏設常

平倉以給北邊

應劭曰壽昌奏令邊郡穀賤時增賈而糶穀貴時減賈而糶名曰常

平倉君見食貨志

省轉漕賜爵關內侯夏四月辛丑

晦日有蝕之詔曰皇天見異以戒朕躬是

朕之不逮吏之不稱也師古曰稱副也以前使使

者問民所疾苦復遣丞相御史掾二十四

人循行天下師古曰行音下更反舉冤獄察擅為苛禁

深刻不改者

甘露元年春正月行幸甘泉郊泰畤匈奴

呼韓邪單于遣子右賢王銖婁渠堂入侍

二月丁巳大司馬車騎將軍師古曰銖音殊婁音力于反

延壽薨文穎曰許延壽夏四月黃龍見新豐丙申

宣帝

太上皇廟火甲辰孝文廟火上素服五日

冬匈奴單于遣弟左賢王來朝賀

二年春正月立皇子躡為定陶王師古曰躡音教詔

曰廼者鳳皇甘露降集黃龍登興醴泉滂

流枯槁榮茂師古曰槁音口老反神光竝見咸受禎祥

其赦天下減民筭三十師古曰一筭減錢三

也賜諸侯王丞相將軍列侯中二千石金

錢各有差賜民爵一級女子百戶牛酒鰥

寡孤獨高年帛夏四月遣護軍都尉祿將
兵擊珠崖秋九月立皇子宇為東平王冬

十二月行幸萇陽宮

應劭曰宮在鄠秦文王所起伏儼曰在扶風李斐曰

萇音倍師古曰應說李音是也

屬玉觀

服虔曰以玉飾因名焉在扶風李音曰屬玉音鸞鸞

其上有此鳥因以為名晉灼曰屬玉水鳥似鵠鵠以名觀也師古曰晉說也是也屬音之欲反

匈奴

呼韓邪單于款五原塞

師古曰款叩也

願奉國珍

朝三年正月

師古曰欲於甘露三年正月行朝禮

詔有司議咸

曰聖王之制施德行禮先京師而後諸夏

宣帝

先諸夏而後夷狄詩云率禮不越遂視既

發相土烈烈海外有截

文穎曰遂徧也發行也言契能使其民率禮不

越法度徧承視其教令奉順而行也相土契孫也烈烈威也截整齊也威武之盛烈烈然四海之外率服整齊也師古曰此商

頌長發之詩

陛下聖德充塞天地光被四

表

師古曰四表四方之外也

匈奴單于鄉風慕義

師古曰鄉讀曰嚮

舉國同心奉珍朝賀自古未之有也單于

非正朔所加王者所客也禮儀宜如諸侯

王稱臣昧死再拜位次諸侯王下詔曰蓋

大司馬

才

聞五帝三王禮所不施不及以政

師古曰言荒外之人

非禮所設者政刑亦不及

今匈奴單于稱北藩臣朝正月

朕之不逮德不能弘覆其以客禮待之位

在諸侯王上

三年春正月行幸甘泉郊泰畤匈奴呼韓

邪單于稽侯緡來朝

應劭曰緡音若訕李奇曰緡音山師古曰稽音古奚

反緡音刪又音先安反

贊謁稱藩臣而不名賜以璽綬

冠帶衣裳安車駟馬黃金錦繡繒絮使有

宣帝

司道單于

師古曰道讀曰道導引也

先行就邸長安宿長

平上自甘泉宿池陽宮上登長平阪

如淳曰阪名也

在池陽南上原之阪有長平觀去長安五十里師古曰涇水之南原即今所謂畦城阪也

詔單于

毋謁

師古曰不拜見也

其左右當戶之羣皆列觀

孟康

曰左右當戶匈奴官名

蠻夷君長王侯迎者數萬人夾

道陳上登渭橋咸稱萬歲單于就邸置酒

建章宮饗賜單于觀以珍寶

師古曰觀示也

二月單

于罷歸遣長樂衛尉高昌侯忠

晉灼曰功臣表董忠

車

大...

...

...

...

...

...

...

騎都尉昌

晉灼曰韓昌

騎都尉虎

文穎曰不知姓晉灼曰百官表唯記三輔

郡以上若此皆不見姓無從知之

將萬六千騎送單于單于

居幕南保光祿城

孟康曰前光祿徐自為所築城

詔北邊振

穀食郵支單于遠道

師古曰郵音質

匈奴遂定詔

曰廼者鳳皇集新蔡羣鳥四面行列皆鄉

鳳皇立以萬數

師古曰行音胡郎反鄉讀曰嚮

其賜汝南太

守帛百匹新蔡長吏三老孝弟力田鰥寡

孤獨各有差賜民爵二級毋出今年租三

皇帝

月己丑丞相霸薨

文穎曰黃霸

詔諸儒講五經

同異太子太傅蕭望之等平奏其議上親

稱制臨決焉廼立梁丘易大小夏侯尚書

穀梁春秋博士冬烏孫公主來歸

應劭曰楚王女解憂

四年夏廣川王海陽有罪廢遷房陵冬十

月丁卯未央宮宣室閣火

黃龍元年

應劭曰先是黃龍見新豐因以冠元焉師古曰漢注云此年二月黃龍見廣漢郡故

改年然則應說非也見新豐者於此五載矣。劉放曰按宣帝率四年改元而郊祀志先言改元甘露其夏黃

龍見新豐其下乃云後開歲改元黃龍然後又云正月復幸甘泉然則宣帝自追用五年前黃龍改元爾若是年黃龍見史官焉得不書漢注未可據也春正月行幸甘泉郊泰畤

匈奴呼韓邪單于來朝禮賜如初二月單

于歸國詔曰蓋聞上古之治君臣同心舉

措曲直各得其所師古曰措置也音千故反是以上下和

洽海內康平其德弗可及已師古曰已語終辭朕既

不明數申詔公卿大夫務行寬大師古曰申束也謂約

之順民所疾苦師古曰知所疾苦則順其意也將欲配三五

宣帝

之隆明先帝之德也今吏或以不禁姦邪

為寬大縱釋有罪為不苛或以酷惡為賢

皆失其中師古曰中音竹仲反奉詔宣化如此豈不繆

哉方今天下少事繇役省減兵革不動而

民多貧盜賊不止其咎安在上計簿具文

而已師古曰雖有其文而實不副也簿音步戶反其下亦同務為欺謾以

避其課師古曰謾誑言也音慢又音莫連反三公不以為意朕將

何任師古曰言無所委任諸請詔省卒徒自給者皆止

應劭曰時有請云詔使出者省卒徒以其直自給不復取稟假雖有進入於官非舊章也故絕之張晏曰先是武帝以用度不足宜有以益官者或奉使求不受奉祿自省其徒眾以取其稟者或自給於是姦吏緣以為利所得多於本祿故絕之如淳曰是時有所省卒徒而羣臣有請之以自給官府者先時聽與之今更悔之不復聽也師古曰應張二說是也

御史察計簿疑非實者按之使真偽毋相亂三月有星孛于主良閣道入紫宮蘇林曰皆星名夏四月詔曰舉廉吏誠欲得其真也吏六百石位大夫有罪先請秩祿上通足以効其賢材自今以來毋得舉

宣帝

韋昭曰吏六百石者不得復舉為廉吏也冬十二月甲戌帝崩于未央

宮臣瓚曰帝年十八即位即位即癸巳尊皇太后曰

太皇太后師古曰於此已書尊太皇太后而元紀之首又重書之然尊太皇太后及皇太后宜

同一時則元紀為是而此紀誤重之

贊曰孝宣之治信賞必罰師古曰有功必賞有罪必罰綜

核名實政事文學法理之士咸精其能至

于技巧工匠器械自元成間鮮能及之師古

曰械者器之摠名也一曰有盛為械無盛為器鮮少也言少有能及之者鮮音先踐反亦足以

知吏稱其職民安其業也遭值匈奴乖亂

推云固存

李奇曰推云者若紂為無道天下若之有滅云之形周武遂推而弊之固存者譬如

鄰國以道涖民上下一心勢必能存因就而堅固之今匈奴內自奮爭有事故宣帝能朝呼韓邪而固存之走郅支單于使遠遁是謂推云也師古曰尚書仲虺之誥曰推云固存邦乃其昌言有云道者則推而滅之有存道者則輔而固之王者如此國乃昌盛故此贊引之

威北夷

師古曰信讀為申古通用字一說恩信及威並著北夷

單于慕義

稽首稱藩功光祖宗業垂後嗣可謂中興

侔德毅宗周宣矣

師古曰侔等毅之高宗及周宣王也

宣紀八